

Vertical text on the left side, likely bleed-through from the reverse side of the page. The characters are faint and difficult to read but appear to be arranged in a column.

Vertical text on the right side, also likely bleed-through from the reverse side. The characters are faint and arranged in a column.



少微通鑑節要卷之二十九

晉紀

烈宗孝武皇帝名曜字昌明簡文帝第三子

在位二十四年 壽三十五

癸酉 寧康元年秦建元九年 二月大司馬溫

桓溫入朝

來朝詔吏部尚書謝安侍中王坦之迎于新亭是時都下人情恟恟或云欲誅王謝因移晉室坦之甚懼安神色不變曰晉祚存亡決於此行溫既至百官拜

坦之倒
執手版

於道側。温大陳兵衛。延見朝士。有位望者。皆戰懼失色。懾之坦之流汗沾衣。倒執手版。安從容就席。從七笑語移日。郗超常為温謀主。安與坦之見温。温使超卧帳中聽其言。風動帳開。安笑曰。郗生可謂入幕之賓矣。時天子幼弱。外有彊臣。安與坦之盡忠輔衛。卒安晉室。○三月。温有疾。還姑孰。温以世子熙才弱。使弟冲領其衆。俄頃薨。冲稱温遺命。以少

桓温卒

謝安暮
功不廢
絲竹

子玄為嗣。時方五歲。襲封南郡公。冲既代温居任。盡忠王室。或勸冲誅除時望。專執時權。冲不從。○秦兵入寇梁益。遂取成都。

甲戌二年。秦建元十年二月。詔謝安總中書。

安好聲律。暮功之慘。不廢絲竹。士大夫效之。遂以成俗。王坦之屢以書苦諫之。曰。天下之寶。當為天下惜之。安不能從。

乙亥三年。秦建元十一年六月。秦清河武侯王

王猛勸
勿圖晉

猛寢疾。上疏曰。伏惟陛下威烈震乎八荒。聲教光乎六合。九州百郡。十居其七。平燕定蜀。有如拾芥。夫善作者。不必善成。善始者。不必善終。是以古先哲王。知功業之不易。戰戰兢兢。如臨深淵。伏惟陛下追蹤前聖。天下幸甚。堅覽之悲慟。○七月。堅親至猛第視疾。訪以後事。猛曰。晉雖僻處江南。然正朔相承。上下安和。臣沒之後。願勿以晉為圖。鮮卑西羌

秦滅
涼

我之仇敵。終為人患。宜漸除之。言終而卒。堅謂太子宏曰。天不欲使吾平一六合邪。何奪吾景略之速也。

丙子 太元元年。秦建元十二年。是歲涼代皆亡。僭國一。五

月。涼公張天錫荒於酒色。不親庶務。人情憤怨。秦王堅遣苟萇、姚萇將兵滅之。涼州郡縣悉降。○十月。秦王堅遣唐公洛將兵十萬擊代。代王什翼犍奔陰山之北。部眾逃潰。國中大亂。其孫珪尚幼。

秦滅代

珪母賀氏以珪走依賀訥。堅分代民為二部。使劉庫仁。劉衛辰統之。

丁丑

二年。

秦建元十三年

是時朝廷方以秦寇

謝安舉謝玄

為憂。詔求文武良將。可以鎮禦北方者。

謝安以兄子玄應詔。郗超聞之。歎曰。安之明。乃能違眾舉親。玄之才。足以不負所舉。

巳卯

太元四年。

秦建元十五年

謝安為宰相。秦

人屢入寇。邊兵失利。眾心危懼。安每鎮

謝安過王導

之以和靜。其為政務舉大綱。不為小察。時人比安於王導。而謂其文雅過之。

壬午

七年。

秦建元十八年

秦王堅會群臣于太

秦謀入寇

極殿。議曰。自吾承業垂三十載。四方略

定。唯東南一隅。未沾王化。今略計吾士

卒。可得九十七萬。吾欲自將以討之。何

如。權翼曰。晉雖微弱。未有大惡。謝安桓

冲。皆江表偉人。君臣輯睦。未可圖也。石

越曰。今福德在吳。伐之必有天殃。且彼

據長江之險。民為之用。殆未可伐也。堅曰。今以吾之衆。投鞭於江。足斷其流。又何險之足恃乎。且築室道旁。無時可成。吾當內斷於心。爾陽平公融曰。今伐晉有三難。天道不順。一也。晉國無釁。二也。我數戰兵疲。民有畏敵之心。三也。晉未可滅。昭然甚明。今勞師大舉。恐無萬全之功。且臣之所憂。不止於此。陛下寵育鮮卑。羌羯。布滿畿甸。此屬皆我之深仇。

符融諫
伐晉

太子獨與弱卒數萬。留守京師。臣懼有不虞之變。生於腹心肘腋。不可悔也。王景略一時英傑。陛下常比之諸葛武侯。獨不記其臨沒之言乎。堅不聽。融又諫曰。國家本戎狄也。正朔朝會不歸。江東雖微弱。僅存。然中華正統。天意必不絕之。堅曰。帝王曆數。豈有常邪。汝不達變通爾。

秦入寇

癸未

八年

秦建元五年

七月

秦王

堅下詔大

詔大

舉入寇。○八月。堅遣陽平公融督後將軍張蚝。冠軍將軍慕容垂等步騎二十五萬為前鋒。以兗州刺史姚萇為龍驤將軍。慕容楷。慕容紹言於慕容垂曰。主上驕矜已甚。叔父建中興之業。在此行也。垂曰。然非汝誰與成之。甲子。堅發長安。戎卒六十餘萬。騎二十七萬。旗鼓相望。前後千里。詔以謝石。謝玄帥眾八萬拒之。秦兵到潁口。兵既盛。都下震恐。玄

謝玄
拒秦

入問計於謝安。安夷然荅曰。已別有旨。既而寂然。玄不敢復言。乃令張玄重請。安遂命駕出遊山墅。上與親朋畢集。與玄圍碁賭墅。安碁常劣於玄。是日玄懼。便為敵手。而又不勝。安遂遊陟。至夜乃還。○桓冲深以根本為憂。遣精銳三千入援京師。謝安固却之。曰。朝廷處分已定。兵甲無關。西藩宜留以為防。冲對佐吏歎曰。謝安石有廟堂之量。不閑將略。

謝安雅
量

今大敵垂至。方遊談不暇。遣諸不經事
少年拒之。衆又寡弱。天下事已可知。吾
其左社矣。○十月。秦陽平公融等攻壽
陽。癸酉。克之。將軍梁成等帥衆五萬屯
於洛澗。柵淮以遏東兵。謝石謝玄等去
洛澗二十五里而軍。憚成不敢進。融於
壽陽遣尚書朱序序先為襄州刺史。為秦所執。來說
謝石等使降。序私謂石等曰。若秦百萬
之衆盡至。誠難與為敵。今乘諸軍未集。

宜速擊之。若敗其前鋒。則彼已奪氣。可
遂破也。石從序言。○十一月。謝玄遣劉
牢之帥精兵五千趣洛澗。未至十里。梁
成阻澗為陳以待之。牢之直前渡水擊
成。大破之。斬成。又分兵斷其歸津。秦步
騎崩潰。爭赴淮水。士卒死者萬五千人。
執秦揚州刺史王顯等。盡收其器械軍
資。於是謝石等諸軍水陸繼進。秦王堅
與陽平公融登壽陽城望之。見晉兵部

草木皆兵

陳嚴整。又望見八公山草木。皆以為晉兵。顧謂融曰。此亦勅敵。勅。渠反。何謂弱也。憊然始有懼色。武憊音。秦兵逼淝水而陳。晉兵不得渡。謝玄遣使謂陽平公融曰。君懸軍深入而置陳逼水。此乃持久之計。非欲速戰者也。若移陳小却。使晉兵得渡。以決勝負。不亦善乎。秦諸將皆曰。我衆彼寡。不如遏之。使不得上。可以萬全。堅曰。但引兵少却。使之半渡。我以鐵

淮淝之捷

騎。虜而殺之。蔑不勝矣。融亦以為然。遂麾兵使却。秦兵遂退。不可復止。謝玄。謝琰。桓伊等引兵渡水擊之。融馳騎略陳。欲以帥退者。馬倒為晉兵所殺。秦兵遂潰。玄等乘勝追擊。至于青岡。秦兵大敗。自相蹈藉而死者。蔽野塞川。其走者聞風聲鶴唳。皆以為晉兵且至。晝夜不敢息。草行露宿。重以饑凍。死者什七八。初。秦兵小却。朱序在陳後呼曰。秦兵敗矣。

風鶴皆師

衆遂大奔。序因與張天錫皆來奔。堅中流矢單騎走。

李舜臣曰：蜀漢之中，古未有興王之迹也。而漢高祖起自南鄭以取關中，樊鄧之間，古未有中興之迹也。而漢光武起自南陽以定河北，而况江東之地，首起西陵，尾接東海，其兵之犀銳，足以破秦兵於鉅鹿，其財之富厚，足以復唐祚於靈武。然自吳以下，國

六朝不能混一

於江東者，凡六朝。周瑜有赤壁之勝，祖逖有譙城之勝，褚裒有彭城之勝，桓溫有灞上之勝，謝玄有淝水之勝，劉裕有關中之勝，到彥之有淮南之勝，蕭衍有義陽之勝，陳慶之有洛陽之勝，吳明徹有淮南之勝，此十者皆起江東之師以取勝中原，其剋敵制勝之功亦奇矣。然終不能渡江而北，定中原以一天下，此非江東之地便

於守而不便於攻。蓋江東之人。知有江東而不知有天下也。向使六朝君臣。素有并吞之志。先定規模於未勝之前。而進乘機會於既勝之後。則千乘萬騎。起自江東而入中原。蓋可以鞭撻四夷。坐制六合。誰謂江東之地。土綿力薄而不足以舉天下也哉。惟其平居暇日。初未嘗有進取之心。而預為必復中原之計。是以一旦欲乘

機會而倉皇失措。竟不能成混一之功。且苻堅養兵於秦中。幾三十年。一旦驅之南下。欲以并吞吳會。顧謂大江之流。投鞭可斷。志則誇矣。而兵始一交。全師潰散。相與枕藉於淝水之中。晉之君臣。嘗試睥睨一世。此乾坤何等時邪。挽吳江之水以洗關河。嵩洛之腥穢。其不在茲時邪。奈何徘徊於兗豫之間。竟不能過關踰鄴以圖

混一。而乃今日運米於枋頭以濟苻丕之饑。明日率軍於關陝以為苻堅之助。夫淮淝百萬志欲何為。幸其天敗。糧盡力困。不奮兵以勦除之。乃舉國之大讎付之相忘之域。豈不深可惜哉。

是時諸軍皆潰。惟慕容垂所將三萬人獨全。堅以千餘騎赴之。世子寶言於垂曰。秦主兵敗。委身於我。是天借之以復

燕祚。此時不可失也。垂曰。汝言是也。然彼以赤心投命於我。若之何害之。若氏運必窮。吾當懷集關東以復先業耳。垂親黨多勸垂殺堅。垂皆不從。悉以兵授堅。○謝安得驛書。知秦兵已敗。時方與客圍碁。攝書置牀上。了無喜色。圍碁如故。客問之。徐荅曰。小兒輩遂已破賊。既罷還內。過戶限。不覺屣竭齒之折。○秦主堅收集離散。比至洛陽。衆十餘萬。

百官儀物軍容粗備○慕容垂言於堅曰。北鄙之民聞王師不利。輒相扇動。臣請奉詔書以鎮慰安集之。因過謁陵廟。堅許之。權翼諫曰。國兵新破。四方皆有離心。宜徵集名將。置之京師以固根本。垂勇略過人。世家東夏。顧以避禍而來。其心豈止欲作冠軍而已哉。譬如養鷹。饑則附人。每聞風颺之起。常有凌霄之志。正宜謹其條籠。條他反豈可解縱。任其

慕容不可縱

所欲哉。堅曰。卿言是也。然朕已許之。匹夫猶不食言。况萬乘乎。天命有廢興。固非智力所能移也。翼曰。陛下重小信而輕社稷。臣見其往而不返。關東之亂。自此始矣。堅不聽。○秦乞伏國仁反於隴西。衆至十餘萬。○慕容垂至安陽。長樂公丕館垂於鄴西。垂潛與燕之故臣謀復燕祚。會丁零翟斌起兵叛。秦王堅驛書使垂將兵討之。

甲申

九年

秦建元元年二十年

後秦太祖

世祖

姚萇

慕

白雀元年

凡三僭國

正月

慕容

垂

自

燕敗秦

慕容泓等起

稱燕王。遣田山如鄴。告慕容農等。使起兵相應。以弟德為車騎大將軍。封范陽王。帥眾二十餘萬。長驅向鄴。慕容農起兵於列人。眾至數萬。長樂公丕使石越將兵討之。農大敗秦兵。斬越。於是人情騷動。盜賊群起。垂至鄴。農引兵會之。進攻鄴。丕退守中城。○秦北地長史慕容

姚萇稱後秦王

泓聞燕王垂攻鄴。亡奔關東。收集鮮卑。眾至數千。還屯華陰。○平陽太守慕容冲亦起兵於平陽。有眾二萬。○秦將姚萇起兵於北地。姚弋仲之子。襄之弟。自稱後秦王。○秦竇衝擊慕容冲于河東。大破之。冲奔慕容泓。泓眾至十餘萬。進向長安。六月。泓謀臣高蓋殺泓。立冲為皇太子。承制行事。置百官。○八月。燕兵圍秦長樂公丕於鄴。鄴中芻糧俱盡。削松木

秦 玄等伐

秦 玄等救

以飼馬。燕王垂謂諸將曰。符丕窮寇。必無降理。不如退屯新城。開丕西歸之路。以謝秦王疇昔之恩。乃解圍趨新城。○太保安奏請乘符氏傾敗。開拓中原。他拓各以謝玄桓石虔等伐秦。河南城堡皆來歸附。謝玄遣晉陵太守滕恬之渡河。據黎陽。○燕王垂復引兵圍鄴。丕進退路窮。會謝玄遣劉牢之等據碣磔。碣磔。口勞。反。滑臺。丕請救於玄。玄乃遣劉牢之

率眾二萬救鄴。丕告饑。玄水陸運米二千斛以饋之。

乙酉

十年。

秦主苻丕大安元。燕主慕容冲

更始元年。舊大國三。新大國一。小國一。凡五年。

正月。慕容冲即帝位於阿房。○四月。

劉牢之至鄴。燕王垂邀擊大破之。坐軍

敗徵還。○五月。西燕主冲攻長安。秦王

堅身自督戰。飛矢滿體。流血淋漓。冲縱

兵暴掠關中。士民流散。道路斷絕。千里

姚萇殺
苻堅

無烟。堅大懼。以讖書云。帝出五將得久
長。乃留太子宏守長安。遂出奔五將山。
後秦王萇遣驍騎將軍吳忠帥騎圍之。
秦兵皆散走。堅神色自若。坐而待之。俄
而忠至。執之。送詣新平。幽於別室。萇遣
人縊堅於新平佛寺。

溫公曰。論者皆以為秦王堅之亡。由
不殺慕容垂姚萇故也。臣獨以為不
然。許劭謂魏武帝治世之能臣。亂世

之姦雄。使堅治國無失其道。則垂萇
皆秦之能臣也。烏能為亂哉。堅之所
以亡。由驟勝而驕故也。魏文侯問李
克。吳之所以亡。對曰。數戰數勝。文侯
曰。數戰數勝。國之福也。何故亡。對曰。
數戰則民疲。數勝則主驕。以驕主御
疲民。未有不亡者也。秦王堅似之矣。
歷年圖曰。苻氏之疆也。氐羌之屬無
不內徙而為臣。一朝失馭而角立為

患。理固然也。苻洪徘徊枋頭。有虎据
中原之志。以健為不肖。然猶西取關
中。并姚襄。却桓温。遂彊其國。堅以雄
寸英略。加之慈惠。忠信舉。王猛於布
衣。任之以政。勲舊不能離。親戚不敢
妬。非至明能如是乎。故能吞彊燕。舉
河西。兼巴蜀。包漢沔。俘索頭。屠龜茲。
上音丘。下音慈。奄有天下十分之九。五胡之
盛。未有如堅者也。觀其舉百萬之衆

以攻晉。先為之除宮築第。以待其君
臣。意以為羅中之禽。往無不獲也。及
一戰而敗。遂顛沛不振。昔之俘囚降
虜。皆起而為敵。數月之間。寇讎徧於
四方。戎馬塞於郊甸。以至身死人手。
子孫殄滅。何哉。論者皆咎堅寵信羌
與鮮卑。輕於伐晉。彼皆睹其迹而言
之。未達其本也。要之。堅持其彊大。易
而無備。此其所以敗亡也夫。

秦王不立

太保安薨。以琅邪王道子錄尚書事。○長樂公不在鄴。將西赴長安。入至晉陽。始知長安不守。堅已死。乃發喪。即皇帝位。○十二月。燕王垂始定都中山。即皇帝位。○呂光自稱涼州刺史。○乞伏國仁自稱秦河二州牧。

丙戌

十一年。

秦主苻登太初元。燕建興元。後秦建初元。西燕主慕容永中興元年。涼王呂光大安元年。舊

容永國中興元年。魏太祖道武帝拓跋珪登國元年。凡七僭國。大國四。小國一。新大國。正月。拓跋珪大

會於牛川。即代王位。○西燕左將軍韓

延殺燕主冲。立冲將段隨為燕主。慕容

永襲段隨破之。帥鮮卑男女去長安而

東。眾推永為河東主。於是長安空虛。○

四月。後秦王萇自安定入長安。即皇帝

位。國號大秦。立子興為皇太子。○九月

西燕慕容永擊秦主丕於鄴。殺之。永遂

進據長安。即皇帝位。○十一月。秦南安

王登丕之子發喪行服。乃為壇於隴東。即

皇帝位

丁亥十二年。秦建初二。燕建興二。後拓

跋珪改稱魏王

戊子十三年。秦建初三。燕建興三。後秦

秦王乞伏乾歸太初元年吕光即三河王位

己丑十四年。秦建初四。燕建興四。後秦

麟嘉元年十一月。初帝既親政事。威權已出。

有人主之量。既而溺於酒色。委事於琅

邪王道子。道子亦嗜酒。日夕與帝酣歌

道子亂政

為事。又崇尚浮屠。窮奢極費。左右近習。爭弄權柄。交通請託。賄賂公行。官賞濫雜。刑獄謬亂。

壬辰十七年。秦建初七。燕建興七。後南

郡公桓玄負其才地。以雄豪自處。朝廷

疑而不用。年二十三。始拜太子。洗馬。後

出補義興太守。鬱鬱不得志。歎曰。父為

九州伯。兒為五湖長。遂棄官歸。

癸巳十八年。秦建初八。燕建興八。後十

桓玄負才怨望

二月。後秦主苻卒。太子興即位。

甲午十九年。秦主苻崇延初元。燕建興九。後秦主姚興皇初元。魏

登國九年。是歲秦及西四月。秦主登

秦後秦滅

聞後秦主苻卒。盡眾而東。七月。後秦主

興自安定如涇陽。與登戰於山南。執登

殺之。秦太子崇奔湟中。即皇帝位。○十

月。崇為梁王。乾歸所殺。乾歸於是盡有

隴西之地。自稱西秦王。○燕主垂攻西

燕。執西燕主永斬之。

乙未二十年。燕建興十年。秦皇初二。魏登國十年。魏王珪

叛燕。侵逼附塞諸部。五月。燕主垂遣太

子寶遼西王農。趙王麟。帥眾八萬伐魏。

珪縱兵擊之。燕兵死者以萬數。太子寶

等皆單騎僅免。

丙申二十一年。燕主慕容寶永康元。秦皇初三。魏皇始元年。

涼龍飛四月。燕主垂卒。太子寶即位。○

六月。三河王呂光即天王位。國號大涼。

以世子紹為太子。○魏羣臣勸魏王珪

稱尊號。珪始建天子旌旗。出警入蹕。改元皇始。○九月。帝崩。○魏王珪潛自晉陽開韓信故道。自井陘趨中山。自常山以東守宰。或走或降。諸郡縣皆附於魏。惟中山鄴信都三城為燕守。

少微通鑑節要卷之二十九

少微通鑑節要卷之三十

晉紀

安皇帝 名德宗。武帝太子。

在位二十二年

壽三十七

丁酉 隆安元年。燕始三年。秦皇初四。魏

髮烏孤太初元年。北涼王段業神璽元年。西秦涼小國。新小

國二。凡七 魏王珪自將圍中山。中山饑甚。

慕容麟帥二萬餘人出據新市。甲子晦。

魏王珪進軍攻之。太史令鼂崇曰。不吉。

魏克燕

昔紂以甲子亡。謂之疾日。兵家忌之。珪曰。紂以甲子亡。武王不以甲子興乎。崇無以對。十月甲戌。珪與麟戰於義臺。大破之。麟遂奔鄴。甲申。魏克中山。麟至鄴。復稱趙王。

戊戌

二年。

燕主慕容盛建平元年。秦皇初。魏天興元年。南燕主慕容

德元年。舊大國三。西秦涼南涼。北涼。小國四。新小國一。凡八。僭國。正

月。慕容麟說范陽王德南徙滑臺。魏遂取鄴。麟上尊號於德。德用兄垂故事。稱

燕王

南燕 ○ 燕主寶卒。長樂王盛即皇帝

位。○ 十一月。魏王珪即皇帝位。改元天

興。命朝野皆束髮加帽。

己亥

三年。燕長樂元年。秦弘始元年。魏元興二年。涼主呂纂咸寧元年。北

涼天璽 魏主珪置五經博士。增國子太

學生負合三千人。○ 南燕王德引師而

南。北鄙諸郡皆降之。遂定都廣固。○ 會

稽世子元顯性苛刻。生殺任意。孫恩因

民心騷動。自海島帥其黨殺上虞令。遂

攻會稽。於是會稽及東陽新安凡八郡人。一時起兵殺長吏以應恩。旬日之中。衆數十萬。時三吳承平日久。民不習戰。故郡縣兵皆望風奔潰。恩據會稽。自稱征東將軍。表會稽王道子及世子元顯之罪。請誅之。○自帝即位以來。內外乖異。石頭以南。皆為荆江所據。以西。皆豫州所專。京口及江北。皆劉牢之及廣陵相高雅之所制。朝政所行。惟三吳而已。

及孫恩作亂。八郡皆為恩有。畿內諸縣。盜賊處處蠡起。恩黨亦有潛伏在建康者。人情危懼。常懼竊發。於是內外戒嚴。加道子黃鉞。元顯領中軍將軍。命徐州刺史謝琰兼督吳興義興軍事。以討恩。劉牢之亦發兵討恩。拜表輒行。十二月。謝琰與牢之轉鬪而前。所向輒克。○初。彭城劉裕。勇健有大志。僅識文字。以賣履為業。好樗蒲。樗。抽居反。為鄉閭所賤。劉牢

劉裕起

孫恩敗

之擊孫恩。引裕參軍事。使將數十人覘賊。覘。癡。占反。遇賊數千人。即迎擊之。從者皆死。裕墜岸下。賊臨岸欲下。裕奮長刀仰斫殺數人。乃得登岸。仍大呼逐之。賊皆走。裕所殺傷甚衆。劉敬宣恠裕久不返。引兵尋之。見裕獨驅數千人。咸共歎息。因進擊賊。大破之。斬獲千餘人。○初恩聞八郡響應。謂其屬曰。天下無復事矣。當與諸君朝服至建康。既而聞牢之引

兵濟江。恩驅男女二十餘萬口復逃入

海島。○殷仲堪時為荆州刺史恐桓玄跋扈。乃

與楊佺期結婚為援。玄引兵擊殺之。玄

既克荆雍。表求領荆江二州。朝廷不能

違。○涼王光卒。太子紹即位。太原公纂

殺之。而即天王位。纂嗜酒好獵。隆安五年。呂起殺之。而立呂

隆。安帝元興二年。降于秦。涼遂滅。

庚子四年。燕長樂二。秦弘始二。魏天興三年。○南燕建平元。南涼王

禿髮利鹿孤建和元年。○西秦降秦。舊大國三。

涼南涼北涼南燕小國南燕王德即皇
四。新小國一。凡八僭國

帝位于廣固更名備德

辛丑

五年。

燕主慕容熙光始元。秦弘始三年。魏天興四年。涼王呂隆

神鼎元。北涼王沮渠蒙遜永安元年。

正月。武威王利鹿孤

稱河西王

弟僂檀孤以元興元年卒。

北涼

沮渠蒙遜殺涼王業。自稱涼州牧。

燕

主盛卒。熙即位

壬寅

元興元年。

燕光始二年。秦弘始四年。魏天興五年。南涼王禿

髮僂檀弘昌元年。

以尚書令元顯為驃騎大將

軍討桓玄。以劉牢之為前鋒。譙王尚之

為後部。玄大驚。欲完聚保江陵。長史卞

範之曰。明公英威振於遠近。元顯口尚

乳臭。劉牢之大失物情。若兵臨近畿。示

以禍福。土崩之勢。可翹足而待。何有延

敵入境。自取窮蹙者乎。玄從之。玄至新

亭。元顯引兵欲還宮。玄遣人拔刀隨後

大呼曰。放仗。軍人皆崩潰。玄入京。總百

揆。斬元顯。及東海王彥璋。譙王尚之等

桓玄反

孫恩死
盧循起

於建康市。劉牢之北走至新州縊而死。道子等皆死。自隆安以來。中外之人厭於禍亂。及玄初至。黜姦佞。擢雋賢。京師欣然冀得少安。既而玄奢豪縱逸。政令無常。朋黨互起。陵侮朝廷。裁損乘輿。供奉之具。帝樂不免饑寒。由是衆心失望。○孫恩赴海死。衆推恩妹夫盧循為主。

癸卯

二年

燕光始六年

是歲涼亡

秦弘始五

魏天興

大三四

凡七

九月。冊命玄為相國。總百揆。封十

玄篡位

郡為楚王。加九錫。○十二月。玄即皇帝位。玄入建康宮。登御座。而床忽陷。羣臣失色。殷仲文曰。將由聖德深厚。地不能載。玄大悅。辛亥。玄遷帝於尋陽。

甲辰

三年

燕光始六年

魏天賜元

秦弘始

劉裕從桓

脩入朝。玄謂王謚曰。裕風骨不常。蓋人傑也。玄后劉氏有智鑑。謂玄曰。劉裕龍

劉裕龍
行虎步

行虎步。視瞻不凡。恐終不為人下。不如早除之。玄曰。我方平蕩中原。非裕莫可

裕等謀
討玄

用者。俟關河平定。然後別議之爾。○裕與何無忌同舟還京口。密謀復興晉室。劉毅家於京口。亦與無忌謀討玄。無忌曰。天下草澤之中。非無英雄也。毅曰。所見唯有劉下邳。裕為下邳太守無忌笑而不荅。還以告裕。遂與毅定謀。○二月乙卯。裕託以遊獵。與無忌收合徒眾得百餘人。詰旦京口城開。無忌著傳詔服。稱敕居前。徒眾隨之齊入。即斬桓脩以徇。眾推

裕為盟主。玄憂懼特甚。或曰。劉裕等烏合微弱。執必無成。陛下何慮之深。玄曰。劉裕足為一世之雄。劉毅家無儋石之儲。樗蒲一擲百萬。何無忌酷似其舅。共舉大事。何謂無成。○三月。裕與劉毅等分為數隊並進。裕以身先之。將士皆殊死戰。無不一當百。呼聲動天地。時東北風急。因縱火焚之。煙火燦天。鼓譟之音震動京邑。諸軍大潰。玄帥親信數千人

裕入建康

劉穆振舉朝綱

走趨石頭。裕入建康。帥百官奉迎乘輿。誅玄宗族在建康者。○裕始至建康。諸大處分。皆委於劉穆之。倉猝立定。無不允愜。裕遂託以心腹。動止諮焉。穆之亦竭節盡誠。無所遺隱。時晉政寬弛。綱紀不立。豪族陵縱。小民窮蹙。重以司馬元顯。政令違舛。桓玄雖欲釐整。而科條繁密。衆莫之從。穆之斟酌時宜。隨方矯正。裕以身範物。先以威禁內外。百官皆肅

桓玄誅

魏置六官

然奉職。不盈旬日。風俗頓改。○四月。劉毅何無忌等襲破尋陽城。桓玄挾帝單舸西走入江陵。遂斬之。乘輿反正於江陵。○魏主珪置六謁官。準古六卿。又官名多不用漢魏之舊。倣上古龍官鳥官。謂諸曹之使為鳧鴨。取其飛之迅疾也。謂候官伺察者為白鷺。取其延頸遠望也。餘皆類此。

乙巳

義熙元年

燕光始五年。秦弘始七年。魏天賜二年。南燕主慕

容超太上年元西
涼建初元年
三月帝至建康以劉裕

都督中外諸軍事四月裕旋鎮京口八

月南燕主備德卒兄子超襲位

丁未三年秦弘始九年魏天賜四年燕

連勃勃龍升元年正始元年燕慕容熙

舊大國一南涼北涼南燕西涼小國四

凡八僭國二初魏主珪滅劉衛辰其子勃

勃奔秦秦王興見而奇之使鎮朔方久之復叛秦自稱大夏天王

戊申四年秦弘始十年魏天賜五年禿髮儁

檀稱涼王

巳酉五年秦弘始十一年魏太宗拓跋嗣

元年北涼南燕西涼燕夏小國六新小國

一凡九劉裕抗表伐南燕帥舟師自淮

入泗或謂裕曰燕人若塞大峴之險或

堅壁清野大軍深入不惟無功將不能

自歸柰何裕曰吾慮之熟矣鮮卑貪婪

不知遠計進利虜獲退惜禾苗謂我孤

軍遠入不能持久不過進據臨胸音退

劉裕伐南燕

守廣固。必不能守險清野。敢為諸君保之。裕過大峴。燕兵不出。裕舉手指天喜。形于色。左右曰。公未見敵而先喜。何也。裕曰。兵已過險。士有必死之志。餘糧棲畝。人無匱乏之憂。虜已入吾掌中矣。進與燕兵戰于臨朐。燕衆大敗。斬段暉等大將十餘人。超遁還廣固。裕乘勝逐北。至廣固。克其大城。超收衆入保小城。裕築長圍守之。北方之民。執兵負糧歸裕。

者日以千數。○魏清河王紹弒魏主珪。齊王嗣聞變而出。大臣翕然奉迎。嗣殺

紹即皇帝位。

嗣。珪之長子也。是為太宗。明元皇帝。

庚戌

六年

秦弘始十二年。魏永興二年。是歲南燕亡。大元。小元。

南燕尚書悅壽開門納晉師。超與左

右數十騎踰城突圍出走。追獲之。裕忿

廣固久不下。欲阬之。以妻女賞將士。韓

範諫曰。晉室南遷。中原鼎沸。士民無援。

彊則附之。既為君臣。必須為之盡力。彼

皆衣冠舊族。先帝遺民。今王師弔伐而
盡阮之。使安所歸乎。竊恐西北之人。無
復來蘇之望矣。裕改容謝之。然猶斬王
公以下三千人。沒入家口萬餘。夷其城
隍。送超詣建康斬之。

溫公曰。晉自濟江以來。威靈不競。戎
狄橫驚。反亡遇虎噬中原。劉裕始以王
師翦平東夏。不於此際。旌禮賢俊。慰
撫疲民。宣愷悌之風。滌殘穢之政。使

羣士嚮風。遺黎企踵。而更恣行屠戮
以快忿心。迹其施設。曾符姚之不如。
宜其不能蕩壹四海。成莫大之業。豈
非雖有智勇。而無仁義。使之然哉。

盧循反

初徐道覆聞劉裕北伐。勸盧循乘虛襲
建康。循從之。朝廷急徵劉裕。裕方議留
鎮下邳。經營司雍。會得詔書。引兵還。以
船載輜重。自帥精銳步歸至山陽。聞何
無忌敗死。慮京邑失守。卷甲兼行。○五

盧循敗

月。劉毅與循戰于桑洛州。毅兵大敗。乙丑。盧循至淮口。中外戒嚴。裕謂將佐曰。賊若於新亭直進。其鋒不可當。宜且迴避。若回泊西岸。此成擒爾。十二月。裕帥眾軍齊力擊循。循兵大敗。走趣豫章。取散卒徑還番禺。

辛亥

七年

秦弘始十三年。魏永興三年。

四月。盧循奔交

州。刺史杜慧度斬之。送首建康。

癸丑

九年

秦弘始十五年。魏永興五年。夏鳳翔元年。

夏王勃

蒸土築城

勃以叱于阿利領將作大匠。叱昌。應反。發嶺

北夷夏十萬人。築都城於朔方水北。黑

水之南。阿利性巧而殘忍。蒸土築城。錐

入一寸。即殺作者。而并築之。勃勃以為

忠。委任之。凡造兵器成呈之。工人必有

死者。射甲不入。則斬弓人。入則斬甲匠。

由是器物皆精利。勃勃謂古人氏族無

常。改姓赫連氏。

乙卯

十一年

秦弘始二十七年。魏神瑞二年。

正月。秦王興

卒。太子泓即帝位。○三月。太尉裕戒嚴將伐秦。裕以劉穆之為左僕射。入居東府。總攝內外。穆之內總朝政。外供軍旅。決斷如流。賓客輻輳。求訴百端。內外諮稟。盈堦滿室。目覽辭訟。手答牋書。耳行聽受。口並酬應。不相參涉。悉皆贍舉。○八月。丁巳。裕發建康。遣王鎮惡檀道濟。沈田子等數道並進。○九月。王鎮惡檀道濟入秦境。所向皆捷。進逼洛陽。克之。

裕伐秦

丁巳

十三年

秦水。和二。魏泰常二年。○西涼公李歆嘉興元年。○

是歲秦亡。大一五月魏主嗣問於崔浩

曰。劉裕伐姚泓。果能克乎。對曰。克之。嗣

曰。裕才何如慕容垂。對曰。勝之。垂藉父

兄之資。脩復舊業。國人歸之。若夜蟲之

就火。少加倚仗。易以立功。劉裕奮起寒

微。不階尺土。討滅桓玄。興復晉室。北禽

慕容超。南梟盧循。梟。堅。堯反。所向無前。非其

才之過人。安能如是乎。裕克秦而歸。必

崔浩料
劉裕

篡其主。關中華戒雜錯。風俗勁悍。裕欲以荆揚之化補之。函秦此無異解衣包火。張羅捕虎。雖留兵守之。人情未洽。趨向不同。適足為寇敵之資爾。願按兵息民以觀其變。秦地終為國家之有。可坐而守也。嗣笑曰。卿料之審矣。浩曰。臣嘗私論近世將相之臣。若王猛之治國。苻堅之管仲也。慕容恪之輔幼主。慕容暉之霍光也。劉裕之平禍亂。司馬德宗之

崔浩論
人物

裕滅秦

曹操也。○七月辛丑。裕至潼關。秦主泓使姚丕守渭橋。王鎮惡大破丕於渭橋。泓兵不戰而潰。單馬還宮。癸亥。將妻子羣臣詣王鎮惡壘門降。鎮惡撫慰。號令嚴肅。百姓安堵。○九月始太尉裕欲留長安。經略西北。而諸將士皆久役思歸。會劉穆之卒。裕以根本無託。遂決意東還。乃以次子桂陽公義真為都督。雍梁秦三州諸軍事。義真時年十二。以王鎮

惡裕疑鎮

惡為司馬。鎮惡功多。由是南人皆忌之。沈田子自以嶢柳之捷。與鎮惡爭功。不平。裕將還。田子及傅弘之屢言於裕曰。鎮惡家在關中。不可保信。裕曰。今留卿文武將士精兵萬人。彼若欲為不善。正足自滅爾。勿復多言。裕私謂田子曰。鍾會不得遂其亂者。以有衛瓘故也。語曰。猛獸不如羣狐。卿等十餘人。何懼王鎮惡。

溫公曰。古人有言。疑則勿任。任則勿疑。裕既委鎮惡以關中。而復與田子有後言。是鬪之使為亂也。惜乎百年之寇。千里之士。得之艱難。失之造次。使豐鄆之都。復輸寇手。荀子曰。兼并易能也。堅凝之難。信哉。

三秦父老。聞裕將還。詣門流涕訴曰。殘民不霑王化。於今百年。始覩衣冠。人人相賀。長安十陵。是公家墳墓。咸陽宮殿。

裕父老留

是公家室宅。捨此欲何之乎。裕為之愍然。慰諭之曰。受命朝廷。不得擅留。誠多諸君懷本之志。今以次息與文武賢才共鎮此境。勉與之居。十二月。裕發長安。自洛入河。開汴渠以歸。○閏月。夏王勃勃聞太尉裕東還大喜。問王買德曰。朕欲取關中。卿試言其方略。買德曰。關中形勢之地。而裕以幼子守之。狼狽而歸。正欲急成篡事爾。不暇復以中原為意。

此天以關中賜我。不可失也。勃勃乃使其子瓚帥騎二萬向長安。勃勃自將大軍為後繼。

十四年。

魏泰常三年。夏昌武元年。

正月。夏赫連

瓚至渭。關中民降之者屬路。沈田子將兵拒之。田子與王鎮惡素有相圖之志。俱出北地以拒夏兵。田子請鎮惡至。傅弘之營計事。田子求屏人語。使其宗人沈敬仁斬之。弘之奔告劉義真。義真與

夏王據
長安

王脩被甲登橫門以察其變。脩執田子。數以專戮斬之。弘之大破赫連瓚。夏兵乃退。○六月。宋公裕始受相國九錫之命。○十月。夏王勃勃進據咸陽。長安樵米路絕。裕聞之。召義真東歸。以朱齡石代鎮長安。赫連瓚帥眾三萬追義真。力戰連日。晉兵大敗。義真僅得免歸。○十一月。齡石奔潼關。為人執送長安。勃勃殺之。勃勃即皇帝位于灊上。都統萬。

劉裕廢
立

宋公裕以讖云。昌明之後。尚有二帝。乃使中書侍郎王韶之與帝左右密謀弒帝。而立琅邪王德文。戊寅。德文即皇帝位。

恭皇帝 名德文。安
帝母弟

在位二年 壽三十七

已未 元熙元年。魏泰常四年。夏真興元年。七月。宋公

裕進爵為王

應年圖曰。晉室既衰。中原雲擾。戎狄

腥羶之氣。瀰漫河洛。薰蒸岱華。宮闈蕪沒。陵廟隳焚。元帝以宗室踈屬。遜居江表。天下士民有思晉者。皆裹糧而歸之。國於荆揚之間。子孫相承。不絕如綫。獨明帝英武克清。大憝不幸。享國不永。自餘孱弱孤危。外陵內叛。寄命於虎狼之口。幾遇吞食者數矣。然卒能保其位號。宗廟血食。百有餘年。何哉。有王導卞壺溫嶠陶侃謝安。

謝幼度為之臣也。羣賢既沒。而道子元顯之徒輔之。敗亡不亦宜乎。

右東西二晉合一百五十四年
凡一十五帝

少微通鑑節要卷之三十一

少微通鑑節要卷之三十一

宋紀

附北朝魏

高祖武帝

姓劉名裕字德興彭城人

在位三年

壽六十七

庚申

二年

宋高祖劉裕永初元年魏

年

夏

西秦文昭王乞伏熾磐建弘元年

祖

馮

太祖平十一年北凉武宣王沮渠

象

遜

玄始八年西凉公李恂永建元

年

是

代凡七國

宋王欲受禪而難於發

受晉禪

言。六月。宋王至建康。傅亮諷晉恭帝禪

帝殂

位於宋。具詔草呈帝使書之。帝欣然操筆謂左右曰。桓玄之時。晉氏已無天下。重為劉公所延將二十載。今日之事。本所甘心。遂書赤紙為詔。遜于琅邪第。王為壇於南郊。即皇帝位。立皇太子義符為皇太子。

壬戌

宋永初三年。魏泰燾七年。

五月。宋高祖疾甚。司

空徐羨之。中書令傅亮。領軍將軍謝晦。鎮北將軍檀道濟。同被顧命。高祖殂於

西殿。太子即位。

營陽王

名義符。高祖長子。史曰少帝。

在位一年

壽十九

癸亥

宋主義符景平元年。魏泰常八年。

魏主拔洛陽。

五月。魏主還平城。○魏太祖殂。世祖即位。

太宗長子也。是為世祖。太武帝。

太祖文皇帝

名義隆。高祖第三子。

在位二十年

壽四十七

甲子

宋景平二年。魏世祖太武帝壽始光元年。嘉元

帝即位

營陽王宋主義符居喪無禮。好與左右狎暱。遊戲無度。徐羨之、檀道濟等廢其主義符為營陽王。以宜都王義隆纂承大統。○八月，宜都王至建康。百官奉璽綬即皇帝位。以謝晦為荊州刺史。

乙丑

宋元嘉二年 魏光始二年 正月。
夏主赫連昌承光元年

徐羨之、傅亮上表歸政。表三上。宋主始

親萬機

丙寅

宋元嘉三年 宋下詔暴徐羨之、傅

亮、謝晦殺營陽、廬陵王之罪，誅之。

丁卯

宋元嘉四年 魏奚斤與夏平原公

魏克夏

定相持於長安。魏主欲乘虛伐統萬，以輕騎三萬倍道先行。夏主將步騎三萬出城。魏主乃分騎為左右隊以掎之。夏衆大潰。夏主不及入城，遂奔上邽。魏主為人壯健，鷙勇。臨城對陳，親犯矢石。左右死傷相繼，神色自若。由是將士畏服，咸盡死力。明於知人，或拔士於卒伍之

明魏主嚴

中。惟其材用所長。不論本末。聽察精微。下無遁情。賞不遺賤。罰不避貴。雖所甚愛之。終無寬假。常曰。法者。朕與天下共之。何敢輕也。然性殘忍。果於殺戮。往往已殺而復悔之。

庚午

宋元嘉七年。魏神麤三年。

宋主自踐位以來。有

恢復河南之志。三月。詔簡甲卒五萬。給右將軍到彥之。遣使告魏主曰。河南舊是宋土。中為彼所侵。今當脩復舊地。不

關河北。魏主大怒曰。我生髮未燥。已聞河南是我地。此豈可得。必若進軍。今當權歛戍。相避須冬。寒地凍。河水堅合。自更取之。到彥之自准入泗。至須昌。乃泝河西上。泝。蘇故。魏主以河南四鎮兵少。命諸軍收衆北渡碣磳。滑臺。洛陽。虎牢。戍兵皆棄城去。於是司寇既平。諸軍皆喜。王仲德獨有憂色。曰。諸賢不諳北土情偽。必墮其計。墮。徒。虜雖仁義不足而

凶狡有餘狡。古。今。歛。戍。北。歸。必。并。力。完。
 聚并。卑。政。反。若河水既合。將復南來。豈可不
 以為憂乎。○十月。宋到彥之等。泚河置
 守魏河北諸軍會於七女津。進攻虎牢。
 拔之。尹冲及滎陽太守崔模降魏。○十
 一月。宋加檀道濟都督征討諸軍事。帥
 眾伐魏。魏長孫道生等引兵而南。到彥
 之聞洛陽虎牢不守。引兵還。青兗大擾。
 彥之坐免官。

彥之還

辛未 宋元嘉八年。○魏神麀四年。○燕
主馮弘太興元年。○北涼義和元
年。○是歲秦夏 二月。宋檀道濟等進至
 濟上。二十餘日間。前後與魏三十餘戰。
 道濟多捷。軍至厯城。魏叔孫建等縱輕
 騎邀其前後。焚燒穀草。道濟等食盡。自
 厯城引還。軍士有亡降魏者。具告之。魏
 人追之。眾恐懼。將潰。道濟夜唱籌量沙。
 以所餘少米覆其上。及旦。魏軍見之。謂
 道濟資糧有餘。以降者為妄。而斬之。道

道濟唱
籌量沙

濟全軍而反

癸酉

宋元嘉十年○魏延和二年
北涼王沮渠牧犍永和元年**涼王**

蒙遜卒。牧犍即位

丙子

宋元嘉十三年○魏太延三年
二年○是歲燕亡。凡三國**檀道濟**

立功前朝。威名甚重。朝廷疑畏之。三月。

下詔誅之。道濟見收。憤怒。目光如炬。脫

憤投地。曰。乃壞汝萬里長城。魏人聞之。

喜曰。道濟死。吳子輩不足復憚。○**魏攻**

燕滅之。燕王弘奔高麗

殺道濟

元嘉之
政冠江
左

戊寅

宋元嘉十五年
魏太延四年**宋主**性仁厚恭儉。

勤於為政。守法而不峻。容物而不弛。百

官皆父於其職。守宰以六暮為斷。吏不

苟免。民有所係。三十年間。四境之內。晏

安無事。戶口蕃息。出租供徭。止於歲賦。

晨出暮歸。自事而已。閭閻之內。講誦相

聞。士敦操尚。鄉耻輕薄。江左風俗於斯

為美。後之言政治者。皆稱元嘉焉。

己卯

宋元嘉十六年
是歲涼亡。凡二國**魏**太延五年三月。

魏儒風
始振

伐涼滅之。牧犍降。涼州自張氏以來。號為多士。沮渠牧犍尤喜文學。以索敞陰興為國師助教。魏主克涼州。皆禮而用之。由是魏之儒風始振。

癸未

宋元嘉二十二年。魏太平真君四年。

魏崔浩勸魏主

盡誅天下沙門。毀諸經像。從之。塔廟在

魏境者。無復孑遺。

己丑

宋元嘉二十六年。魏太平真君十年。

宋主欲經略中

原。羣臣爭獻策以迎合取寵。彭城太守

欲封狼
居胥

江湛諫
伐魏

王玄謨尤好進言。宋主謂侍臣曰。觀玄謨所陳。令人有封狼居胥意。御史中丞袁淑言於宋主曰。陛下今當席卷趙魏。檢玉岱宗。臣逢千載之會。願上封禪書。宋主悅。○宋主欲伐魏。徐湛之。江湛。王玄謨等並勸之。沈慶之諫曰。我步彼騎。其執不敵。檀道濟再行無功。到彥之失利而返。今料王玄謨等未踰兩將。六軍之盛。不過往時。恐重辱王師。宋主曰。王

師再屈。別自有由。道濟養寇。自資彥之
中塗疾動。虜所恃者惟馬。今夏水浩汗。
河道流通。汎舟北下。碣礫上。苦勞反。下。五勞反。必
走滑臺小城。易可覆拔。克此二城。館穀
弔民。虎牢洛陽自然不固。比及冬初。城
守相接。虜馬過河。即成擒矣。慶之又固。
陳不可。宋主使徐湛之。江湛難之。慶之
曰。治國如治家。耕當問奴。織當問婢。陛
下今欲伐國。而與白面書生輩謀之。事

伐魏

何由濟。宋主不從。秋七月。庚午。大起軍
旅。王公妃主及朝士牧守。下至富民。各
獻金帛雜物。以助國用。又以兵力不足。
悉發青冀徐豫二兗六州三五民丁。倩
使暨行。緣江五郡。集廣陵。緣淮三郡。集
盱眙。上。况于反。下。與之反。使王玄謨進圍滑臺。九
月。辛卯。魏主引兵南救之。玄謨士衆甚
盛。器械精嚴。時河洛之民。出穀操兵來
赴者。日以千數。玄謨不即其長帥。而以

王玄謨
敗

配私暱。由是衆心失望。攻城數月不下。冬十月乙丑。魏主渡河。衆號百萬。鞞鼓之聲震動天地。玄謨懼。退走。魏人追擊之。死者萬餘人。十一月辛卯。弘農太守柳元景使薛安都等攻陝。魏張是連提帥衆二萬度嶠救陝。安都等與戰於城南。魏衆大潰。斬張是連。提甲午。克陝城。進攻潼關。據之。關中豪傑所在蠶起。皆來送款。宋主以王玄謨敗退。魏軍深入。

柳元景等不宜獨進。皆召還。魏主至彭城。引兵南下。所過無不殘滅。城邑皆望風奔潰。己未。魏軍至淮上。魏人之南寇也。不齎糧用。唯以抄掠為資。及過淮。民多竄匿。抄掠無所得。人馬饑乏。至瓜步。壞民廬舍。及伐葦為筏。房越反聲言欲渡

江。建康震懼。民皆荷擔而立。宋主登石頭城。有憂色。謂江湛曰。北伐之計。同議者少。今日士民勞怨。予之過也。又曰。檀

道濟若在。豈使胡馬至此。

辛卯

宋元嘉二十八年。魏太平真君十二年。

魏人凡破南

魏伐殘

兗徐豫青冀六州。殺掠不可勝計。丁壯

者即加斬截。嬰兒貫於槊上。槃舞以為

戲。所過郡縣。赤地無餘。春燕歸巢於林

木。魏之士馬。死傷亦過半。國人皆尤之。

○宋主每命將出師。常授以成律。交戰

日時。亦待中詔。是以將帥趑趄。

上。即私反。下。七

元嘉政

余及莫敢自決。又江南白丁。輕進易退。此

其所以敗也。自是邑里蕭條。元嘉之政衰矣。

壬辰

宋元嘉二十九年。魏高宗文成皇帝。濟興安元年。魏中常侍

宗愛。弒其君。燾尚書源賀。陸麗。勒兵誅

愛。奉皇孫濬即位。

濬。景穆太子之子。是為高宗文成皇帝。

改元興安。○宋主聞魏世祖殂。更謀北

伐魏敗還

伐。遣蕭思話督張永等向碣磔。魯爽將

荆州甲士四萬出許洛。雍州刺史臧質

帥所領趣潼關。諸軍攻碣磔。累旬不拔。

張永夜撤圍退。士卒驚擾。魏兵乘之。死傷塗地。遂引兵還。

癸巳

宋元嘉三年。魏興安二年。

二月。宋太子劭弒。

其君義隆。夏四月。武陵王駿舉兵誅劭。

武陵王駿即位。

世祖孝武帝

名駿。字休隆。文帝第五子。

在位十一年。壽三十五。

甲午

宋世祖孝建元年。魏興光元年。

宋主為人機警勇

決。學問博洽。文章華敏。省讀書奏。能七

行俱下。又善騎射。而奢欲無度。自晉氏渡江已來。宮室草創。宋興無所增改。至是始大脩宮室。土木被錦繡。侍中袁顛因盛稱高祖儉素之德。宋主曰。田舍公得此已為過矣。

甲辰

宋大明八年。魏和平五年。

宋主駿殂。太子子業

即位。

太宗明帝

名彧。文帝第十一子。

在位七年。壽三十四。

乙巳

宋主子業景和元年。太宗五月。魏主

殂。初魏世祖經營四方。國頗虛耗。重以

內難。朝野楚楚。高宗嗣之。與時消息。靜

以鎮之。懷集中外。民心復安。顯祖弘即

位。高宗長子也。是時年十二。馮太后臨

朝稱制。○宋沈慶之復啓聽民私鑄錢。

由是錢貨亂敗。千錢長不盈三寸大小

稱此。謂之鵝眼錢。劣於此者。謂之綖。音

環錢。貫之以縷。入水不沉。隨手破碎。市

鵝眼錢

井不復料數。十萬錢不盈一掬。斗米一

萬。商貨不行。○宋主子業殘暴日甚。宗

室百官濫被誅殺。壽寂之弒之。迎湘東

王彧即位。罷二銖錢。禁鵝眼。綖環錢。餘

皆通用

丙午

宋泰始二年。魏顯祖徐州刺

史薛安都。汝南太守常珍奇。並遣使乞

降。宋主以南方已平。欲示威淮北。乃命

張永。沈攸之。將甲士五萬迎薛安都。安

淮北
南沒魏

都聞大兵北上懼遣使乞降於魏常珍
奇亦以懸瓠降魏皆請兵自救魏遣尉
元等救彭城

丁未

宋泰始二年魏皇興元年

宋張永等棄城夜遁

尉元邀其前薛安都乘其後大破永等
於呂梁之東死者以萬數枕尸六十餘
里永與沈攸之僅以身免由是失淮北
四州及豫州淮西之地○宋主遣蕭道
成將千人鎮淮陰道成收養豪傑賓客

起蕭道成

始盛

辛亥

宋泰始七年文帝拓跋宏延興元年魏高祖孝

宋以淮

陰為北兗州徵蕭道成入朝道成所親

以朝廷方誅大臣勸勿就徵道成曰主

上自以太子稚弱剪除諸弟何預他人

今唯應速發淹留頽望必將見疑且骨

肉相殘自非靈長之祚禍難將興方與

卿等戮力爾○魏顯祖聰睿夙成剛毅

有斷而好黃老浮屠之學每引朝士及

魏顯祖
傳位
文帝幼
有至性

沙門共談玄理。雅薄富貴。常有遺世之
心。乃奉皇帝璽綬。傳位於太子宏。生五
年矣。高祖即皇帝位。顯祖長子。是為高祖。孝文皇帝。改
元延興。高祖幼有至性。顯祖病癰。高祖
親吮。癰。於容反。吮。祖克反。及受禪。悲泣不自勝。顯
祖問其故。對曰。代親之感。內切於心。羣
臣奏曰。今皇帝幼冲。萬機大政。猶宜陛
下總之。謹上尊號曰。太上皇帝。顯祖從
之。上皇徙居崇光宮。國之大事。咸以聞

壬子宋泰豫元年 **宋主彧** 歿。太子即皇
帝位。時方十歲。

蒼梧王 名昱。明帝之子。

在位五年 壽十五

甲寅宋主昱元徽二年 **魏顯祖** 勤於為

治。賞罰嚴明。慎擇牧守。進廉退貪。尤重
刑罰。大刑多令覆鞫。或囚繫積年。羣臣
多以為言。上曰。滯獄誠非善治。不猶愈
於倉卒而濫乎。夫人憂苦則思善。故智

者以囹圄為福堂。朕特苦之。欲其改悔而加矜恕爾。

順帝

名準。明帝第三子。

在位三年

壽十二

丁巳

宋順帝昇明元年。魏太和元年。

宋主昱忌蕭道

成威名。欲殺之。道成憂懼。使楊玉夫弑帝。迎立安成王。以太后令追封昱為蒼梧王。安成王即皇帝位。時年十一。以道成為司空錄尚書事。○荊州刺史沈攸

之以道成專制朝權。勒兵移檄遠近。道成擊斬之。

戊午

宋昇明二年。魏太和二年。

詔進道成假黃鉞大

都督中外諸軍事。太傅領揚州牧。

歷年圖曰。晉氏渡江以來。君弱臣彊。

禍亂相繼。至於元興。而桓氏篡位。高

祖首唱大義。糾合同志。起於草萊之

間。奮臂一呼。凶黨瓦解。遂梟靈寶。

桓

也之首。奉迎乘輿。再興王室。厥功已

不細矣。既而治兵誓衆。經營四方。揚旗東征。廣固橫潰。卷甲南趨。盧循殄滅。偏師西上。譙縱授首。銳卒北驅。姚泓面縛。遂汛掃伊洛。脩奉園陵。震驚旃裘之心。發舒華夏之氣。南國之盛。未有過於斯時者也。然區宇未一。躋於大位。委棄秦雍。以資寇敵。使大功不成。惜哉。文帝勤於為治。子惠庶民。足為承平之良主。而不量其力。橫挑

疆胡。使師徒殲於河南。戎馬飲於江津。及其末路。狐疑不決。卒成子禍。豈非文有餘而武不足邪。夫以孝武之驕淫。明帝之猜忌。得保首領。以沒於牖下。幸矣。其何後之有。

右宋八主合六十年

齊

紀

附北朝魏

太祖高帝

名道成。姓蕭氏。漢相何二十四世孫。

在位四年

壽五十四

巳未

宋昇明三年。齊太祖建元元年。三

月。宋封道成十郡為齊王。四月。王稱皇

帝即位

壬戌

齊建元四年。魏太和六年。三月。齊主殂。太子即

位。高帝沈深有大量。博學能文。性清儉。

每曰。使我治天下十年。當使黃金與土

同價

世祖武帝

名贖。高帝長子

在位十一年 壽五十四

小滿為限

癸亥

齊武帝永明元年。齊以宋末治民

之官六年過久。乃以三年為斷。謂之小

滿。而遷換去來。又不能依三年之制。三

月。詔自今一以小滿為限

甲子

齊永明二年。齊蕭衍好籌略。有文

武才幹。王儉深器異之。曰。蕭郎出三十

貴不可言

王儉奇蕭衍

癸酉

齊永明十一年。魏主以平城地寒。

六月。雨雪。風沙常起。將遷都洛陽。恐羣

臣不從。乃議大舉伐齊。秋七月，魏主發平城步騎三十萬。○七月，齊主不豫，以朝事委西昌侯鸞。齊主殂，鸞奉太孫鬱林王立之。世祖留心政事，務總大體，嚴而有斷。郡縣久於其職，長吏犯法，封刃行誅。故永明之世，百姓豐樂，賊盜屏息。然頗好遊宴，華靡之事。常言恨之，未能頻遣。○魏主自發平城，至洛陽，霖雨不止。乃詔諸軍前發。帝戎服執鞭乘馬而

魏遷都
洛陽

出。尚書李冲等曰：「今者之舉，天下所不願。唯陛下欲之，臣不知陛下獨行，竟何之也。」帝乃諭羣臣曰：「朕世居幽朔，欲南遷中土，苟不南伐，當遷都於此。時舊人雖不願內徙，而憚於南伐，無敢言者。遂定遷都之計。」

高宗明帝

名鸞。高帝兄道生之子也。早孤。高帝養之。恩過

諸子

在位五年

壽四十

甲戌

齊主昭業隆昌元年。昭文延興元年。高宗明帝建武元年。魏太和十八年。

年七月齊西昌侯鸞引兵入雲龍門弒

其君昭業以太后令廢昭業為鬱林王。

迎新安王昭文即皇帝位以鸞為驃騎

大將軍○九月魏主謂陸叡曰北人每

言北俗質魯何由知書朕聞之深用憮

然憮周今知書者甚衆豈皆聖人顧學

與不學爾朕脩百官興禮樂其志固欲

移風易俗朕為天子何必居中原正欲

魏主移風俗

帝即位

為海陵王而自立○魏主欲變易舊風

乃詔禁士民胡服國人多不悅

乙亥齊建武十二年六月魏主下詔不

得為北俗之語於朝廷違者免所居官

○魏詔求遺書秘閣所無有益時用者

禁北俗語

加以優賞○八月魏立國子太學四門

小學於洛陽。○魏高祖好讀書。手不釋卷。在輿據鞍。不忘講道。善屬文。多於馬上口占。既成。不更一字。自太和十年以後。詔策皆自為之。好賢樂善。情如饑渴。所與遊接。常寄以布素之意。如李冲。李彪。高閭。王肅。郭祚。宋弁。劉芳。崔光。邢巒之徒。皆以文雅見親。貴顯用事。制禮作樂。鬱然可觀。有太平之風焉。

魏有太平之風

改姓元

丙子

齊建武三年魏太和二十年

魏主下詔改姓元

氏

戊寅

齊永泰元年魏太和二十二年

七月齊主殂于正

福殿

東昏侯

名寶卷。字智藏。明帝第三子。

在位二年 壽一十九

巳卯

齊主寶卷永元元年魏太和二十三年

魏高祖殂。太

子恪即位

是為世祖。宣武帝。

魏主在東宮不好

學。唯嬉戲無度。及即位。不與朝士相接。專親信宦官及左右。是時始安王遙光

六賈同朝

等更直內省。分日帖敕。雍州刺史蕭衍聞之。謂張弘策曰。一國三公。猶不堪。况六貴同朝。執必相圖。亂將作矣。避禍圖福。無如此州。乃密與弘策脩武備。聚驍勇以萬數。

庚辰

齊永元二年 魏世宗宣武帝格景明元年

正月齊豫

州刺史裴叔業聞齊主數誅大臣。心不自安。遣人至襄陽。問蕭衍以自安之計。曰。天下大執可知。恐無復自存之理。不若

蕭衍有異圖

回面向北。不失作河南公。衍報曰。羣小用事。豈能及遠。若意外相逼。當勒馬步二萬直出橫江。以斷其後。則天下之事一舉可定。若欲北向。彼必遣人相代。以河北一州相處。河南公寧可復得邪。○十月齊蕭衍集僚佐。謂曰。昏主暴虐。惡踰於紂。當與卿等共除之。是時南康王寶融為荊州刺史。乃以寶融教。以衍為使持節都督前鋒諸軍事。移檄建康。數寶

蕭衍反

卷罪惡。稱奉宣德皇太后令。南康王宜纂承皇祚。廢寶卷為涪陵王。

和皇帝名寶融。明帝第八子。

在位一年 壽十六

辛巳

齊和帝中興元年 魏景明三年

正月。齊蕭衍發

襄陽。魏主時年十六。不能親決庶務。

委之左右。於是倖臣趙邕及外戚高肇

等始用事。魏政浸衰。三月。齊南康王

寶融即皇帝位於江陵。加蕭衍征東大

衰 魏政浸

將軍都督征討諸軍事。假黃鉞。已巳。衍以宣德太后令。追廢涪陵王為東昏侯。右齊七主合二十四年。

歷年圖曰。高帝以功名之盛。不容於

昏暴之朝。逆取而順守之。亦一時之

良主也。明帝自以得於不義。猜忌高

武子孫。誅夷殆盡。深戒東昏以先事

制人。而大臣疑懼。禍變相尋。卒亡其

國。夫不務令德而殺人。以自安。自古

